



28. juni 2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Ullumikkut niuernikkut pissutsit akillu malillugit ALCOA nunatsinni aallarteriarnissaminut qanoq inissisimava?**
- 2. ALCOA-p saniatigut allanik taamatut sulialinnik peqarpa?**
 - a. Kikkuuppat?**
- 3. Tasersiami erngup nukinganik nukissiuuteqarfiliortoqassagaluarpat, aluminiuliorfeqarnerup saniatigut sunut allanut atorneqarsinnaanissaa takorloorutaava?**
- 4. ALCOA-p aallarteriarnerrata kingorna nalilersuisoqarsimava?**

(Inatsisartuni ilaasortaq Siverth K. Heilmann, Atassut)

Tunngavilersuut:

Ukiut arlalinnngorput ALCOA pillugu aallartisaraluarnermiit. Ajoraluartumilli aalajangernialusaarnerujussuup kingunerivaa aallartinngitsoorneq. Naak suliaq taamak annertutigisoq nunatsinnut iluaqutaasussaagaluartoq sapangiinnarneqarnikuuvoq, sanaartorneq, sulisussaartitsineq, akileraarutitigut immaqaluunniit royalty pissarsiffiulluartaasagaluartoq. Minnerunngitsumillu Tasersiamiit nukissiuuterujussuarmik pilersitsisoqarsinnaasimagaluartoq allarpassuarnut aamma atorluarsinnaasumik.

Massakkut paaserusuppara ullumikkut akit pissutsillu qanoq inissisimanersut, ilanngullugulu allat aluminiumik aatsitsiviliortartoqassapat kikkuunersut paaserusullugu. §37-mut akissut innersuussutigaarput 2016/025.

Kiisalu taamatut suleruluttoqarsimagaluarnerrani siunissami suliarpassuarnut allanut angisuunut ilinniutaasinnaanissaa pinerullugu aallartisapallassinnaalerusulluta, misilittakkat kukkussutaasimasullu pillugit nalilersuisoqarsimanersaq paaserusuppara.

Kissaatigivara ullut suliffiusut qulit qaangiutinnginneranni akissuteqarfigineqarnissara.